

КІТАПХАНАШЫЛАРҒА ЖҮКТЕЛЕР ЖАУАПКЕРШІЛІК КӨП

Егемен еліміздегі барлық жоғары оқу орындары секілді біздің Мұхтар Әуезов атындағы Оңтүстік Қазақстан университеті Ақпараттық білім беру орталығының ұжымы профессор-оқытушылар мен студенттер арасында жүйелі жұмыстар жүргізіп келеді. Барлық кітапханалар бөлімдеріндегі жұмыс өскелең заман талаптарына сай жүзеге асырылуда. Қазақстан Республикасының Президенті Қасым-Жомарт Кемелұлы Тоқаевтың жыл сайынғы Жолдауларын талқылаудан бастап, сан түрлі ізгілікті де игілікті іс-шаралар атқарылып келеді. Әрине, мұның бәрі біздегі 23 мыңнан студенттің терең білім алып, болашақта білікті маман болып шығуына оңықпал етері анық.

Атап айтқанда, «Ақпараттық Білім Беру Орталығы толық мәтінді базалары және ИРБИС 64 электрондық каталогымен жұмыс жасау» тақырыбында семинар-тренинг өткізілді. Оған жоғары оқу орнындағы барлық факультеттердің профессор-оқытушылары мен студенттер қауымы қатысты. Семинар-тренингтің мақсаты — оқырмандарды кітапхана ресурстарымен кеңінен таныстыру болатын. Білім алушыларға Ғылыми-библиографиялық бөлімнің қызметі және АББО толық мәтінді деректер қорлары: «Альма-Матер», «РМЭБ», «Эриграф», «Акнурpress», «Өлкетану», сандық кітапханасы, әлемдік ғылыми мәліметтер базалары: «EBSCO», «SpringerLink», «ThomsonReuters», «Scopus», «ScienceDirect» және ИРБИС электрондық каталогымен жұмыс жасау барысы терең түсіндірілді. Оқырмандарға кітапхана қорындағы барлық толық мәтінді деректер



көзімен жұмыс жасау, ізденіс жүргізу жұмыстары жайында ақпарат берілді.

27-28 қазан күндері астанадағы Назарбаев университетінде «Білімге және кітапханаларға ашық қолжетімділік: жетістіктер мен тенденциялар» тақырыбы аясында Академиялық кітапханалардың 11-Еуразиялық конференциясы өтті. Оған Қазақстан Республикасының Ғылым және жоғары білім вице-министрі Қуаныш Ергалиев қатысты. Қазақстан, Қырғызстан, Өзбекстан, Ресей Федерациясы, Америка Құрама Штаттарынан келген сарапшылар, жоғары оқу орындары кітапханаларының, ақпараттық жүйелер мен өнімдерді жеткізуші жетекші ұйымдардың басшылары мен мамандары өзара тәжірибе алмасты.

Конференцияда талқыланған мәселелер: ғылымға, білімге, білім беру ресурстарына ашық қолжетімділік технологияларын ілгерілетуде жоғары оқу орындары кітапханаларының цифрлық трансформациядағы рөлі көрсетілді.

Басқосуға Мұхтар Әуезов атындағы Оңтүстік Қазақстан университеті Ақпараттық білім беру орталығының директоры Индира Қобланқызы Саурбаева мен оның орынбасары Гулбахира Мынбаева қатысып қайтты.

Ақпараттық білім беру орталығының қызметкерлері оқырман қауымға газет-журнал, кітап беру, интернет қызметін ұсыну, семинар-тренингтер, конференциялар өткізумен ғана шектеліп қалмайды. Ақын-жазушылардың мерейтойларын, «дөңгелек үстел» мәжілістерін, сан алуан іс-шаралар, кітап көрмелерін ұйымдастырып тұрады. Кітапханамызда екі миллионнан аса кітап қоры бар. Біз 24/7 режимінде жұмыс жасаймыз.

Ақпараттық білім беру орталығы сегіз кітапхана бөлімінен тұрады:

Гуманитарлық мамандықтарға қызмет көрсету бөлімі. Бөлім меңгерушісі — Жанат Жәдігерқызы Ережепова. Осы бөлімнің

сектор меңгерушісі Раушан Ташбулатова жоғары оқу орнын бітіріп, жас маман ретінде осы университетте қырық жылдан астам адал еңбек етіп келеді.

Техникалық мамандықтарға қызмет көрсету бөлімі (Ақбота Насырқызы Құлданбаева). Ол өте білімді де білікті маман ретінде кеңінен танымал.

Ғылыми-библиографиялық бөлім (Айжан Сазанқызы Құралбаева).

Кітапхананы дамыту бөлімі (Лаззат Жолдыбекқызы Утегулова).

Жинақтау бөлімі (Салима Иркенова).

Жүйелеу бөлімі (Ақмереке Сатқанова).

Кітап қорын сақтау бөлімі (Урайла Қалманқызы Ерденева).

Жаңа технологиялар және электрондық ресурстар бөлімі (Ақмарал Еркінбекқызы Жанбулатова).

Мемлекет басшысының арнайы Жарлығымен 24 қазан — Кітапханашылар күні болып белгіленді. Біз мұны үлкен қуанышпен қарсы алып, лайықты түрде атап өттік. Өзге салалардың өкілдері секілді кітапханашылар қауымына да жүктелер жауапкершілік көп. Жоғары оқу орнындағы профессор оқытушылармен қатар біз де студенттердің жүйелі білім алып, келешекте білікті маман болып шығуына мүдделіміз. Осыны терең сезінген ұйымшыл ұжымымыз алдағы кезде де өз жұмыстарымызды жүйелі жүргізіп, өскелең талап биігінен көріне беретін боламыз.

Қарлығаш ҮСЕНҚҰЛОВА,
Мұхтар Әуезов атындағы Оңтүстік Қазақстан университеті Ақпараттық білім беру орталығының кітапханашысы.
Шымкент қаласы.